

**SKUPŠTINA HERCEGOVAČKO-  
NERETVANSKOG KANTONA**

288

Na osnovu člana 39.tačka f) Ustava Hercegovačko-neretvanskog kantona ("Službene novine HNK", broj: 2/98, 3/98, 4/00, 7/04 i 6/21 ), Skupština Hercegovačko-neretvanskog kantona na sjednici održanoj dana 15.06.2022. godine, donijela je:

**ZAKON  
O IZMJENAMA I DOPUNAMA ZAKONA  
O UNUTRAŠNJIM POSLOVIMA  
HERCEGOVAČKO-NERETVANSKOG  
KANTONA**

**Član 1.**

U Zakonu o unutrašnjim poslovima Hercegovačko-neretvanskog kantona (Službene novine HNK, br. 2/98, 4/01, 3/02, 1/03, 2/06, 5/08 i 6/08) član 19. mijenja se i glasi:

„Kolegij komesara policije će sačinjavati komesar policije, zamjenik komesara policije, načelnik uniformisane policije, načelnik kriminalističke policije i drugi službenici Uprave policije po potrebi“.

**Član 2.**

U članu 19.a stav (2) mijenja se i glasi:

„Mandati komesara policije i zamjenika komesara policije traju 4 (četiri) godine, s tim da mogu biti imenovani ponovo za naredni period od 4 (četiri) godine“.

U članu 19.a stav (3) briše se.

**Član 3.**

U članu 19.b stav (3) tačka 4., mijenja se i glasi:

„Raspoređuje i premješta zaposlene na i sa odgovarajućih radnih mesta u Upravi policije, i donosi odluke o rasporedu i premještanju. Prije donošenja odluke o raspoređivanju ili premještanju rukovodioca u Upravi policije, komesar policije će konsultirati zamjenika komesara policije i ministra, i s pažnjom uzeti u razmatranje njihovo mišljenje. Kod raspoređivanja i premještanja rukovodioca u Uredu komesara policije, te načelnika Sektora uniformisane policije i načelnika Sektora kriminalističke policije potrebna je saglasnost zamjenika komesara policije, kao i kod izbora sastava komisija i odbora koje uspostavlja ili predlaže komesar policije“.

**Član 4.**

Član 19.g mijenja se i glasi:

(1), „Nezavisni odbor može predložiti jednog ili više kandidata za komesara policije. Ministar će u roku od sedam dana proslijediti prijedlog Nezavisnog odbora Vladi na imenovanje. U slučaju da se to ne realizuje u zadanom roku, Nezavisni odbor će dostaviti svoj prijedlog kandidata direktno Vladi.“

(2) „U slučaju da Vlada Kantona ne prihvati niti jednog od predloženih kandidata, postupak izbora kandidata za komesara policije se ponavlja.“

U članu 19.g stav (3) i stav (4) brišu se.

**Član 5.**

U članu 19.gg stav (2) mijenja se i glasi:

„U slučaju da se Vlada Kantona ne složi sa prijedlogom za smjenu komesara policije, postupak smjene komesara policije se obustavlja“.

U članu 19.gg stav (3) mijenja se i glasi:

„Vlada Kantona dužna je razriješiti dužnosti komesara policije u sljedećim slučajevima;

- kad navrši 65 godina života ili kada navrši 40 godina staža osiguranja bez obzira na godine života;

- ukoliko trajno nije u mogućnosti izvršavati svoje dužnosti;

- gubitkom državljanstva Bosne i Hercegovine;

- kad mu je postala pravosnažna kazna zatvora u trajanju od 6 mjeseci ili stroža kazna zbog počinjenog krivičnog djela;

- kad mu je postala pravosnažna disciplinska sankcija prestanka radnog odnosa zbog povrede službene dužnosti“.

U članu 19.gg stav (4) briše se.

**Član 6.**

Član 19.i mijenja se i glasi:

(1) Policijski komesar ima jednog zamjenika (u daljnjem tekstu: zamjenik policijskog komesara), koji pomaže policijskom komesaru u rukovođenju Upravom policije, što se utvrđuje Pravilnikom iz člana 10. Zakona“.

(2) Policijski komesar i zamjenik policijskog komesara ne mogu biti iz istog konstitutivnog naroda.

(3) Zamjenik policijskog komesara za svoj rad odgovara policijskom komesaru.

(4) Odredbe Zakona kojima se uređuje izbor, imenovanje i smjene komesara policije odgovarajuće se primjenjuju na izbor, imenovanje i smjenu zamjenika komesara policije“.

## Hercegovačko-neretvanskog kantona

## Član 7.

Iza člana 19.i dodaje se član 19.j koji glasi:

(1) Zamjenik policijskog komesara obavlja poslove iz nadležnosti Uprave policije koji su mu propisani ovim Zakonom i koje mu odredi komesar policije, a u njegovom odsustvu obavlja poslove iz stava (2) ovog člana.

(2) Ako komesar policije zbog isteka mandata, razrješenja sa dužnosti, ostavke, bolesti, odsustva ili drugog stvarnog ili pravnog razloga nije u mogućnosti obavljati dužnost rukovođenja Upravom policije, tu dužnost obavljat će zamjenik policijskog komesara sve dok komesar policije ne bude u stanju da ponovo preuzme svoju dužnost ili dok se ne imenuje novi komesar policije.

(3) Kad zamjenik komesara policije pod uslovima iz stava 2. ovog člana obavlja poslove komesara policije, mišljenja i saglasnosti iz člana 19.b) stav 3. tačka 4. daje načelnik Sektora uniformisane policije.

(4) Kad se ispune pretpostavke propisane stavom (2) ovog člana, ministar će obavijestiti Vladu Hercegovačko-neretvanskog kantona da će dužnost komesara policije obavljati zamjenik policijskog komesara sve dotle dok komesar policije ne bude u stanju da ponovo preuzme svoju dužnost ili dok se ne imenuje novi komesar policije.

(5) Zamjenik policijskog komesara odgovara ministru i Vladu Hercegovačko-neretvanskog kantona kada zamjenjuje komesara policije u slučajevima iz stava (2) ovog člana.

## Član 8.

Iza člana 19.j dodaje se član 19.k koji glasi:

(1) Ukoliko komesar policije i zamjenik policijskog komesara zbog isteka mandata, razrješenja sa dužnosti, ostavke, bolesti, odsustva ili drugog stvarnog ili pravnog razloga nisu u mogućnosti obavljati dužnost rukovođenja Upravom policije, tu dužnost privremeno će obavljati načelnik uniformisane policije sve dok komesar policije ili zamjenik komesara policije ne bude u stanju da ponovo preuzme svoju dužnost ili dok se ne imenuje novi komesar ili zamjenik komesara policije, a najduže tri mjeseca.

(2) Ukoliko komesar policije, zamjenik policijskog komesara i načelnik uniformirane policije zbog isteka mandata, razrješenja sa dužnosti, ostavke, bolesti, odsustva ili drugog stvarnog ili pravnog razloga nisu u mogućnosti obavljati dužnost rukovođenja Upravom policije, imenuje se vršioc dužnosti komesara policije u skladu sa odredbom ovog člana.

(3) Vršiocu dužnosti komesara policije imenuje Vlada Hercegovačko-neretvanskog kantona na

prijedlog ministra ministarstva unutrašnjih poslova.

(4) Vršioc dužnosti komesara policije imenuje se iz reda policijskih službenika zaposlenih u Ministarstvu unutrašnjih poslova Hercegovačko-neretvanskog kantona koji pored ostalih uslova propisanih zakonom ispunjava i uslov da ima čin glavnog inspektora.

(5) Izuzetno, u slučaju da nije ispunjen uslov iz stava 4. ovog člana, za vršioca dužnosti komesara policije može se imenovati policijski službenik u činu samostalnog inspektora koji je u tom činu proveo najmanje tri (3) godine.

(6) Odmah, a najduže u roku od tri (3) dana od dana kada su komesar policije, zamjenik komesara policije i načelnik uniformisane policije spriječeni da vrše svoju dužnost zbog razloga iz stava 2. ovog člana, ministar unutrašnjih poslova dostavlja prijedlog za imenovanje vršioca dužnosti komesara policije Vladu Hercegovačko-neretvanskog kantona.

(7) Vršioc dužnosti komesara policije ima sva prava, obaveze i ovlasti komesara policije propisane ovim Zakonom osim poslova vezanih za činovanje i trajno raspoređivanje policijskih službenika. U slučaju potrebe raspoređivanja policijskih službenika od strane vršioca dužnosti komesara policije ista se smatraju privremenim, a konačna odluku o takvom raspoređivanju donosi komesar policije.

(8) Mandat vršioca dužnosti komesara policije traje do imenovanja novog komesara policije, a najduže tri (3) mjeseca od dana kada je imenovan vršioc dužnosti komesara policije.

(9) Nakon imenovanja komesara policije, vršioc dužnosti komesara policije se vraća na radno mjesto s kojega je imenovan na poziciju vršioca dužnosti komesara policije.

## Član 9.

Član 79.b briše se.

## Član 10.

Ovaj Zakon stupa na snagu 8 dana od dana objave u Službenim novinama Hercegovačko-neretvanskog kantona.

Bosna i Hercegovina  
Federacija Bosne i Hercegovine  
Hercegovačko-neretvanski kanton  
S K U P Š T I N A

Broj: 02-01-102/22  
Mostar, 15.06.2022. godine